

## **Resumo sobre a unidade 13. O proceso de transición á democracia, logros e limitacións.**

**(3ª avaliación, 3ª quincena)**

### **Introdución.**

- Despois da morte de Franco iniciouse un complexo proceso de transición política que levaría da ditadura a un sistema democrático. Tivo características singulares das que cabe destacar a escasa violencia.
- A reforma política impulsada pola oposición moderada e polos sectores aperturistas do franquismo, foi a vía elixida para a democratización do país.

### **1. A TRANSICIÓN POLÍTICA (1975-1978)**

#### **1.1. As forzas políticas en escena**

- Dentro das forzas franquistas había os partidarios dun aperturismo e os inmovilistas (*búnker*), dirixidos por Carrero Blanco, xefe de goberno que morreu nun atentado de ETA en 1973.
- Arias Navarro xefe de goberno en 1974: "*espírito do 12 de febreiro*", insuficiente.
- Adolfo Suárez, xefe de goberno a partir de 1975, reformista que inicia a transición.

#### **1.2. As forzas de oposición**

- Dereita liberal: moi débiles e agrupados ao redor de figuras como Ruiz Gimenez ou os partidarios de Juan de Borbón, pai do monarca.
- Esquerda: Partido Comunista de España, dirixido por Santiago Carrillo, era o partido máis organizado e activo. PSOE organizado ao redor de Felipe González e Alfonso Guerra. Comisións Obreiras era o sindicato máis poderoso, mentres que a UXT comezaba a reorganizarse.
- As forzas antifranquistas que operaban desde o exterior agrupáronse en dous organismos: Junta Democrática, creada en París en xullo de 1974 e a Plataforma de Convergencia Democrática en xuño de 1975. Agrupáronse logo da morte de Franco en: Coordinación Democrática ou *Platajunta* presentando unha fronte unida partidaria da ruptura democrática.

#### **1.3. A reinstauración da monarquía: Xoán Carlos I**

- Formalmente, Xoán Carlos I asumía case os mesmos poderes que tivera Franco. A monarquía tiña tres opcións básicas: permanencia nun franquismo atenuado, reformismo constituínte e ruptura constituínte.

#### **1.4. O goberno de Arias Navarro. (novembro 1975-xullo 1976)**

- O rei optou polo continuísmo, mantendo a Arias Navarro nun intento de unir a aperturistas e inmovilistas. O *espírito del 12 de febrero* eran leis moi restrictivas que non contemplaban a existencia dos partidos políticos.
- Fíxose público o conflito coa Igrexa, no que parte da xerarquía eclesiástica encabezada polo cardenal Tarancón, viña criticando ao réxime por falta de liberdades.
- Incrementouse a conflitividade social (mobilizacións de masas), deterioro da economía motivada pola crise do petróleo de 1973 e aumento das accións terroristas.
- O rei, que non disimulara o seu descontento co labor do executivo, destituíu a Arias Navarro en xullo de 1976.

#### **1.5. O goberno de Suárez: inicio das reformas**

- O seu proxecto de cambio pretendía promover unha reforma progresiva do sistema político a partir da evolución das leis e das institucións franquistas. Era preciso anular

a resistencia dos inmovilistas nas institucións do Estado e atraer ao seu proxecto á oposición democrática.

- A principal obra do primeiro goberno de Suárez foi a elaboración e aprobación **da Lei de Reforma Política (LRP)**:

- Proclamaba o carácter democrático do Estado español, baseado na soberanía nacional, e recoñecía os dereitos fundamentais das persoas

Grazas á habilidade de Torcuato Fernández Miranda e ao apoio do rei, foi aprobada nas Cortes mediante negociacións subterráneas.

- A Lei foi ratificada en referendo, polo pobo español cun 94% de votos positivos.

- A oposición fanática dos *ultras* realizou atentados como a *matanza de Atocha* en xaneiro de 1977.

- Suárez negociou cos dirixentes militares a neutralidade do exército no proceso de reformas, a cambio da promesa de non legalizar ao Partido Comunista. Suárez decidiu a súa legalización na Semana Santa de 1977. Os militares sentíronse enganados. Pero non se produciu o temido golpe de Estado, mostrando un cambio nas forzas armadas.

## **1.6. As primeiras eleccións democráticas. 1977**

### **Partidos políticos:**

- Partidos de esquerdas: PCE, PSOE, PTE, MCE, ORT

- Partidos de dereitas: AP, Fuerza Nueva

- Partidos de centro: UCD.

- Partidos nacionalistas: PNV, PDC, ERC, BN-PG, PSG

- A UCD conseguiu 166 deputados, e o PSOE en segundo lugar con 118 deputados. Aínda que non contaba con maioría absoluta no Congreso, composto por 350 deputados, Adolfo Suárez constituíu **o primeiro goberno democrático** de España despois da Guerra Civil.

## **2. A CONSTITUCIÓN DE 1978**

- Para a súa redacción elixiuse un relatorio formado por deputados de todos os partidos con representación nas Cortes. A elaboración da Constitución iniciou a chamada política de consenso (negociación e acordos entre os principais partidos).

### **Características:**

- Definición do Estado como democrático e social de dereito, organizado como monarquía parlamentaria,

- Ampla declaración de dereitos fundamentais e liberdades civís e políticas

- Carácter progresista, pero con certa ambigüidade e eclecticismo, produto do consenso, que permite que o seu desenvolvemento lexislativo fora asumido tanto pola esquerda como pola dereita democrática.

## **3. O PROCESO AUTONÓMICO E O ESTATUTO DE AUTONOMÍA DE GALICIA.**

- As Comunidades Autónomas que se constituísen terían un Estatuto de Autonomía no que se recollerían as competencias que asumían. Os Estatutos de Autonomía deben ser aprobados polas Cortes Xerais.

O proceso farase en dúas etapas::

- Preautonomías: concesión dunha autonomía provisional a rexións que o solicitaran.

- Autonomías: desde que a Constitución regule o réxime autonómico.

- Artigo 151 da Constitución específico para as chamadas «nacionalidades históricas»; é dicir, aquelas nas que xa se tivese aprobado con anterioridade —na época republicana— un Estatuto de Autonomía (Cataluña, País Vasco e Galicia).

- Artigo 143, polo que se rexerán a maioría das Comunidades Autónomas.

### **3. 4. O Estatuto de Autonomía de Galicia.**

- A ausencia de institucións no exilio que fosen depositarias da legalidade histórica e a debilidade das forzas nacionalistas e autonomistas complicou o proceso, non aprobándose o Estatuto ata 1981. Formouse unha comisión de 16 membros que elaboraron o texto do Estatuto que se someteu a referendo en 1980. As forzas nacionalistas non aceptaron o texto do Estatuto por consideralo insuficiente, promovendo o voto en contra.
- O Estatuto estableceu para Galicia un modelo parlamentario de autogoberno; as institucións básicas do poder galego son o Parlamento de Galicia e a Xunta de Galicia.

### **4. CRISE ECONÓMICA E PACTOS DA MONCLOA.**

- A crise do petróleo de 1973 golpeara duramente a España. O paro e a inflación crecían de forma alarmante. Para estabilizar a situación económica as principais forzas políticas asinaron en outubro de 1977 os Pactos da Moncloa, unha serie de medidas consensuadas para facer fronte ás graves dificultades económicas.

#### **4.1. Causas da crise - Internas:**

**A. Factores políticos:** Escasa atención prestada á política económica por parte dos gobernos, xa que estaban máis preocupados pola transformación institucional.

**B. Transición económica:** Nos anos finais do franquismo, e considerando de maneira errada que a crise do petróleo era algo transitorio, o goberno decidiu non repercutir o prezo sobre os consumidores, senón que o Estado fíxose cargo do seu financiamento. O resultado foron enormes déficits na balanza por conta corrente que se mantiveron ata 1984.

#### **C. Herdanza do franquismo:**

A industria que se desenvolvera durante o franquismo tiña graves deficiencias como resultado do antiliberalismo e do intervencionismo. Ex: baixo nivel de competitividade debido á tradicional política proteccionista; forte dependencia enerxética.

### **5. OS PACTOS DA MONCLOA. 1977**

Os obxectivos eran reducir a inflación e a posta en práctica don conxunto de reformas para repartir equitativamente os custos da crise. No seguinte cadro vemos as medidas de reforma que se puxeron en marcha

<b>Loita contra a inflación</b>	<b>Política de reformas</b>
Política monetaria restrictiva	Reforma do presuposto e control da Seguridade Social
Reducción do gasto público	Reforma fiscal
Depreciación da peseta	Modernización do sistema financeiro
Crecedemento moderado dos salarios	Novo marco de relacións laborais